

1.00.800

ԳԻՏԱԿԱՆ ՍԵՍԻՍ, ՆՎԻՐՎԱԾ Ն. Վ. ԳՈԳՈԼԻ ՄԱՀՎԱՆ 100-ԱՄՅԱԿԻՆ

Փետրվարի 29-ին և մարտի 1-ին տեղի ունեցավ Հայկական ՍՍՌ Գիտությունների ակադեմիայի Մ. Արեղյանի անվան Գրականության ինստիտուտի կազմակերպած հոբելյանական դիտական սեսիան, նվիրված ողջ մեծ դրող Ն. Վ. Գոգոլի մահվան 100-ամյակին: Բացման խոսքով հանդես եկավ պրոֆ. Մ. Մկրյանը, որից հետո լսվեցին հետևյալ զեկուցումները. Ն. Վ. Գոգոլի տիպերի օգտագործումը Վ. Ի. Լենինի և Ի. Վ. Ստալինի երկերում (դեկ. ֆիլ. դիտ. թեկնածու էդ. Թոփչյան), Ն. Վ. Գոգոլը և հայ գրականությունը (դեկ. ֆիլ. դիտ. թեկնածու Գ. Հովնան), Ն. Վ. Գոգոլի ստեղծագործությունը ողջ ուսուցիչ-դեմոկրատների ղեկավարությամբ (դեկ. պրոֆ. Ն. Մելիքյան), Ն. Վ. Գոգոլը և մեր օրերը (դեկ. ֆիլ. դիտ. թեկնածու Ս. Սարյան):

Սեսիայում կարգադրված զեկուցումների մի մասը կտպագրվի «Տեղեկագրի» առաջիկա համարներում:

ՀԱՅԿԱԿԱՆ ՍՍՌ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ԸՆԴՀԱՆՈՒՐ ԺՈՂՈՎՐ

Փետրվարի 26 - 28-ին տեղի ունեցավ Հայկական ՍՍՌ Գիտությունների ակադեմիայի Ընդհանուր ժողովը: Հայկական ՍՍՌ Գիտությունների ակադեմիայի պրեզիդենտ, ակադեմիայի իսկական անդամ Վ. Հ. Համբարձումյանը, բաց անելով ժողովը, ասաց.

Ընկերներ.

Գիտությունների ակադեմիայի Ընդհանուր ժողովի ներկա նստաշրջանը պումարվում է մեր ակադեմիայի 1951 թվականի աշխատանքների արդյունքները ի մի բերելու և քննելու համար:

Կոմունիզմի մեծ կառուցումների իրագործումը պահանջել է սովետական գիտնականներից ակտիվ մասնակցություն ցուցաբերել մի շարք կարևոր գիտատեխնիկական հարցերի լուծման մեջ: Մեր ակադեմիայի մի շարք գիտա-հետազոտական հիմնարկներ հաջող աշխատանք են կատարել այդ ուղղությամբ և զգալի օգնություն են ցույց տվել Ստալինգրադյան ու Կուլրիչևյան հիդրոհանգույցների շինարարությանը:

1951 թվականի ընթացքում էլ ավելի մեծացել է Գիտությունների ակադեմիայի դերը Սովետական Հայաստանի արդյունաբերության և գյուղատնտեսության զարգացման գործում:

Սակայն պետք է ասել, որ այնպիսի կարևորագույն խնդիրներում, ինչպիսին են մետալուրգիայի պրոբլեմները արդյունաբերության համար և ցորենի պրոբլեմը պուրպուրն-տեսության համար, մենք դեռևս հետ ենք մնում կյանքի պահանջներից: Գյուղատնտեսական գիտությունների բաժանմունքը, ինչպես նաև Տեխնիկական գիտությունների նորակազմ բաժանմունքը պետք է ավելի մոթիլիզացնեն իրենց ուժերն այդ խնդիրները լուծելու համար:

Քոչոր խնդիրներ են դրված այսօր Հասարակական գիտությունների բաժանմունքի առաջ, մանավանդ տնտեսագիտության, լեզվաբանության և պատմության բնագավառներում:

Բիոլոգիական գիտությունների բաժանմունքի հիմնարկներն ավելի արագ պետք է առաջ մղեն Ի. Պ. Պավլովի ուսմունքի զարգացման գործը:

Մեր ամբողջ գիտական աշխատանքում հսկայական է քննադատության և ինքնաքննադատության դերը: